

**ORATIO IN DIE
CINERUM HABITA
IN TEMPLO S.
SABINAE AD
CLEMENTEM 8...**

Giulio Cesare Galla



FOR THE
IN THE
OF THE

OF THE
OF THE

OF THE
OF THE
OF THE
OF THE



OF THE
OF THE
OF THE
OF THE

PETRO ALDOBRANDINO


S. R. E. CARDINALI

AMPLISSIMO

ET

CLEMENTIS IIX. P. M.

NEPOTI OPTIMO.



IULIVS CÆSAR GALLA

Felicitatem.



UAM habui ad Sanctissimum Dominum Nostrum orationem in die Cinerum, typis mandare, tuis auspicijs decreui Cardinalis Amplissime: quamvis enim purgatissimis Summi Pontificis, ac sacri Cardinalium Senatus auribus excepta,

A 2 in

in luce hominum versari tulò posset; id tamen beneficium a te, tanquam rei litterariae parente optimo, ac Patrono Munificentissimo exposculabat, ut illam quam suis viribus gratiam inire minimè valeret, tuo insignita nomine consequeretur. Ea igitur, qua praeditus es, animi magnitudine, exiguum hoc, quantulum est, benigno favore prosequere: id enim si assequutus fuero, ad maiora, quae interim molior, excitabor.

NEHOTI OPTIMO.





3
V L T A quidem diuini-
tus ab Ecclesia vtilitati
nostræ inuenta, atque
instituta sunt, Beatissime
Pater, nihil verò salu-
brius, quàm quod hoc
tempus eligeret, quo &
humana scelera expia-
rentur, & ira Dei Chri-

stianæ pietatis officijs placaretur: nullum enim
ad veniam facilius, nullum ad misericordiam
opportuniùs, sacris recurrentibus diebùs, qui-
bus & Dei filius abundè pro nobis effuso sangui-
ne diuini numinis vltioni satisfecit, & ad sum-
mam Dei clementiam, summamque benignita-
tem nobis aditum referauit. Nos verò cùm tan-
ta charitas, tantaque mansuetudo vltro ad mi-
sericordiam inuitent, non modò tarditatem om-
nem abijcere; sed ad illam nobis promerendam,
cunni studio, omni conatu contendere debemus,
antèactæ vitæ criminibus contraria virtutum o-
pera opponendo, superbiam humilitate concul-
cando, ingluuiem abstinèntia coërcendo, auari-
tiam verò largitate erga pauperes ablegando.
Quæ omnia, vt opportuna remedia, Ecclesia pia
mater, nimium de nostra salute sollicita, nobis ho-
die proponit, humilitatem mortis recordatione,
atque humanæ fragilitatis monumento, dum ca-
pitibus cinere respersis infelix illud humanæ na-
turæ elogium insonat: *Memento homo, quia cinis es, &*

Ioel. 2. *in cinerem reuerteris*. Ieiunium verò non modò Ioe-
 lis præconio clamantis : *Sanctificate ieiunium*, sed e-
 Matt. 6. tiam Redemptoris admonitu dicentis : *Cum ieu-*
natis, nolite fieri sicuti hypocritæ tristes : eleemosynam
 quoque, atque erga inopes beneficentiam, salu-
 berrima eiusdem doctrina, qua & paulo ante
 hæc recitata Euangelij verba ab inanis gloriæ
 fastu cum stipem indigentibus erogamus abstinere nos admonet ; & hic ieiunio eleemosynam cō-
 pulare præcipit, inquit : *Tu verò cum ieiunas unge*
caput tuum. Humilitate porro, cinere nobis desi-
 gnata, sicut extrinsecus corporis habitu induci
 fuimus ; Ita intrinsecus animo affici debemus,
 scindentes corda nostra, non vestimenta nostra,
 atque nostrorum affectuum caput, conscientiam
 ipsam amarissimo peccatorum dolore, tanquam
 cinere conspergentes : aptè namque patratōrum
 scelerum dolor cineri respondet : velut enim ex
 lignorum incendio nihil superest nisi cinis, qui
 omni humore exhaustus amarissimus est ; ita ex
 strarum cupiditatum conflagratione nihil nisi
 amarulenta ipsarum recordatio remanet, omni
 prorsus humore, omnique dulcedine spoliata.
 Hoc itaque conspersi cinere hodie ieiunium in-
 choare, & delictorum veniam a Deo efflagitare
 Ton. 3. debemus ; hic enim est ille cinis, qui Niniuitis
 Indulgentiam impetravit : hic est cinis, quo re-
 Iudith 9. spersa Iudith Holofernem occidere meruit, Be-
 rtauham, ac Hierosolymam liberare : hic est de-
 nique cinis, de quo Regius Vates cecinit : *Quia ci-*

cinerem tanquam panem manducabam, & potum meum
 cum fletu miscebam, hoc etiam conspersi cinere no-
 stram calamitatem, atque imbecillitatem ob o-
 culos ponere debemus, ne honorem, atque di-
 gnitatum excellentia elati & nostræ conditionis
 immemores effecti, innumeris nos ipsos malis im-
 plicemus: quamuis enim immortalis animo præ-
 dicti ad æthereas Sedes consequendas, ac æter-
 nam gloriam perfruendam immenso Dei benefi-
 cio facti simus; infinitis tamen calamitatibus nos
 ipsos peccati grauitas cumulauit: quod enim ex
 omnibus animantibus, quæ cæli ambitu conti-
 nentur frequentioribus, ac maioribus ærumnis in-
 felici, ac misero homine toto vitæ curriculo con-
 flictatur? Sileo conceptus foeditatem, & utræ
 angustias; ab ipso statim exortu nudus atque inen-
 mis omnibus insuper membris præpeditus, à la-
 chrymis vitæ initium auspicatur: at verò in lu-
 cem editus, qualem in reliquo vitæ cursu condi-
 tionem sit subiturus, in ipsis incunabulis experi-
 tur: quadraginta namque dierum spatio, videre
 numquam, nisi dormiens, conspicitur. simillimum
 humanæ vitæ exemplar, cuius bona non nisi tan-
 quam somniantes experimur; cum mala exactis-
 simo sensu, ac summa animaduersione vigilan-
 tes patiamur. sed quibus puer adhuc molestijs
 afficitur? adiscendi anxietate, parentum, atque
 Pedagogorum imperio; quibus iuuenis cupidita-
 tum fluctibus, atque æstibus agitur? quibus se-
 nex morbis, atque angoribus premitur? Melius

Arist. 7.
 de his. A-
 nim. c. 10
 Pli. lib. 7.
 cap. 1.

Pli. lib. 7.

c. 7. & c.

53.

itaque dum ærumnosam hanc, atque miseram vitam degimus; non lucis vsura perfrui, non vivere, sed in tenebris, & umbra mortis ambulare dici possumus. Quam vero tenue, bone Deus! quam fragile est hoc nostræ vitæ filum: alij vix acino; deglutito, alij pilo hausto, alij inter calceandum, cum alioqui valentes, atque robusti essent subito perierunt. Hæc nos ad memoriam reuocare; saluberrima cineris aspersione debemus; hæc perpetuo contemplari: *Memorare enim, nonissima tua, & in æternum non peccabis.* Nec minus corpori ieiunio fræna iniicere debemus: vt enim indomitus equus, nisi fræno cohibeatur, sessorem suum præcipitem aget; ita corpus, nisi alimenta subtrahendo eius petulantiam infringamus, rationem ipsam è suo culmine facile deturbabit. Vt igitur, nihil de se, nisi moderatè sentiendo, superbia proterenda est; ita ciborum abstinentia, corporis procacitas comprimenda. Quantum verò ad Dei iram auertendam, atque eiusdem gratiam promerendam ieiunium valeat, luce clarius apparebit, si multa, quæ ex gulæ voluptate nobis accesserunt mala; multa verò, quæ ex ieiunio bona, expendamus. Quid humanum genus præclaro illo innocentiae dono, quo præditum immortalitate, atque bonorum omnium possessione fruebatur spoliavit, & in teterrimi sceleris culpam mortem ipsam, atque calamitatum omnium profundissimum pelagus demersit, nisi Protoplastorum gula? quid hæc bona illi conseruare,

super

+ A

& ca.

& eadem mala ab illo arcere potuit, nisi eorundem ieiunium? Id enim illis præceptum fuerat, Gen. 9. ut a ligno scientiæ boni & mali abstinere. Quid Hebræorum populū ad Idololatriam perduxit, & præceptis digito Dei conscriptis priuauit, nisi gula? *Sedit populus manducare, & bibe-* Exod. 32. *re, & surrexerunt ludere.* Quid eadem præcepta illi restituit, nisi ieiunium? Ieiunauit enim Exod. 34 iterum Moyses, & legum tabulas iterum meruit accipere. Quid spurcissimos illos Pentapolitas ad nefarium scelus patrandum, & iram Dei prouocandam impulit, nisi gula? Quòd in satieta- Ezech. 16 te panum lasciuiabant. Quid Niniuitis veniam Ion. 3. obtinuit, nisi ieiunium. Omitto nunc innumera mala, quæ vel corporibus ipsis gulæ voluptas affert; innumera verò bona, quæ iisdem ieiunium præbet. A Gula enim morbi, cruciatus, sensuum atque ingenij hebetudo, ac tandem violenta & intempestiua mors oritur: a ieiunio sanitas, indolentia, sensuum perspicacia, ingenij acumen, & vsque ad extremum senium salubris producta vitæ. Multum quoque ad Dei beneficia accersenda ieiunium valet: ieiunat Moyses quadraginta diebus, & legem a Deo accipit: ieiunat Helias; & curru igneo sublimis effertur: ieiunat Daniel, & ab esurientibus leonū faucibus liberatur: ieiunat Christus; & illi tandem ab Angelis ministratur: O admirabilem ieiunij vim, o inestimabilem dignitatem: ieiunium mentem subleuat; prauas cogitationes ar-

cet,

cet, dæmones fugat; castitatem tueretur; morbos pellit; ac tandem bona animi custodia est, & securus corporis cohabitator: tantæ etiam dignitatis existit, vt sanctus Ephraem dicat Angelos a Deo destinatos esse, qui per singulas Ecclesias ieiunantium nomina conscribant.

Ephræ Sy
rus 1. to.
sermone
de ieiun.

At vero non nobis ipsis, sed Christo ieiunare debemus: si enim a cibo abstinentes pauperes non pascamus, non Christo, sed Auaritiæ, quæ est Idolorum seruitus, ieiunabimus: ieiunium enim sine eleemosyna, integrum non est, & absque iustitiæ, atque charitatis operibus Deo minime placet, vt ipse per Isaiam inquit:

Ephes. 3.

Isai. 58.

Numquid tale est ieiunium, quod elegi per diem affligere hominē animam suam? numquid contorquere quasi circulum caput suum, & saccum, & cinerem sternere? Numquid istud vocabis ieiunium, & diem acceptabilem Domino? Nonne hoc est magis ieiunium, quod elegi? Dissolve colligationes impietatis, solue fasciculos deprimentes, dimitte eos, qui confracti sunt liberos, & omne onus disrump, frange esurienti panem tuum, & egenos, vagosque induc in domum tuam. Cum videris nudum operi eum, & carnem tuam ne despexeris. De hoc etiam Dominus in Euangelio nos admonet:

Matt. 6.

Nolite thesaurizare vobis thesauros in terra, ubi arugo, & tinea demolitur, & fures effodiunt, & furantur: thesaurizate autem vobis thesauros in celo, ubi neque arugo, neque tinea demolitur, neque fures effodiunt, & furantur. Id verò est thesaurizare nobis thesauros in celo, eleemosynam pauperibus erogare.

re: facculi enim qui numquam marcescunt pauperes sunt; hi sunt bonorum, quæ speramus, & expectamus promicendi; hi ianitores regni cœlorum, qui fores aperiant bonis, & benignis, occidant verò malis, & inhumanis; hi & accerrimi sunt apud Deum accusatores, & optimi patroni; his benignus Christus Dominus ita personam propriam largitus est, ut quicquid in ipsos boni contulerimus, ipse nobis acceptum referat, vitæ æternæ premium, & prouentum insuper cum multo fœnore pollicitus; hi sunt ager ille, in quo absconditus est thesaurus; ager namque verè sunt pauperes, qui magnas diuitias continet, sed ab omnibus conculcatur; absconditum vero habent Christum inexhaustum bonorum, atque diuitiarum omnium thesaurum; hunc, qui sapit Christianus, omnibus venditis opibus sibi mercari, atque comparare studeat, & cõnetur. Ad hanc verò mercaturam nos & lucri magnitudo, & vendentis liberalitas, & cõmendandi occasio libenter inuitant: quod enim maius lucrum sempiterna Dei fruitione nobis accedere potest? Quis vmquam venditor liberalior Christo, qui non ingenti auri, aut argenti pondere, non margaritarum nitore, aut gemmarum pretio, non purpuræ, aut eboris magna copia hanc nobis mercem emendam exponit; sed vel modica eorum, quibus affluimus largitione, vel vnius denarii, vel vnius oboli sed quid vilius? vel solo gelidæ haustu illam
emen-

ementibus se vediturum pollicetur. Quanta verò emendi occasio sese offert, immo nos interpellat, sollicitat, vrget; quot pro foribus sacrarū ædiū astant mendici, quot mutilati, quot debiles, quot luminibus capti, quot grauib, atque horrendis morborum generibus cruciati, quot in plateis, & triuijs suæ conditionis calamitatem magnis vlulatibus lamentantur, quot denique in cauernis, & desertis ruinarū solitudinibus Nycticoracum more lucem refugientes, in sordibus delitescunt? hi omnes mereandi regnum cœlorum occasionem præbent. Deberet profecto nos & naturæ consortium, & insita eiusdem lex, & communis conditio ad amandos atque fouendos pauperes compellere: natura enim homines sunt, & nobis affines, naturæ etiam præscripto beneficium, quod nobis conferri cupimus, iure ceteris præstare debemus, conditio vero omnibus æquè mortalibus incerta, & varijs, atque infinitis pene calamitatibus, atque malorum incursionibus obnoxia: non enim hi vagam, & agrestem vitam, quam traducunt, ab initio instituerunt; sed ad eam calamitatibus, & necessitate impulsæ sunt. quot sunt ex his honesti, atque ingenui viri; quot mulieres, quæ olim foras numquam exiuerunt quæ foras nunquam antea respexerunt, nunc vero de loco in locum circumeunt, de domo in domum, ab omnibus conspiciuntur; ab omnibus contemplantur, immo ab omnibus quamuis notis

tis, & propinquis deuitantur: omnes enim ab il-
 lis sibi metuentes tanquam ab aũgurio, eorum
 accessum, atque introitum declinant: debent
 inquam hæc nos cogere, vt his ea, quæ nobis
 superflua sunt impertiamur, mutua largitione
 beneficium rependentes: illi enim quod nobis
 exuperat accipientes, nostræ vtilitati consulunt;
 quod nociturum erat absumendo; nos dantes,
 eorum egestati prouidemus, quod necessarium
 est ministrando. Ferunt qui naturæ abdita rima-
 tur; Crocodilum; cùm carnem dentibus super-
 crescere senserit, hianti ore Trochilum auiculam
 quandam admittere, quæ dum illa vescitur mu-
 tuam illi repurgandi dentes vtilitatem præstat:
 maximè verò nos commouere debent clementis-
 sima illius verba, qui nos è Diaboli seruitute
 in libertatem atque æternam salutem vindica-
 uit: *Quod uni, inquit, ex minimis meis fecistis, mihi*
fecistis. Quisnam adeo sensus expers, quisnam
 humanitate adeo spoliatus, quis denique tam
 lapideus erit, e quo hæc verba non modo par-
 uam misericordiæ guttam, sed vel affluentiſſima
 flumina non eliciant? Verum quia virtutum ope-
 ra aliquando ob inanis gloriæ sonum, aliquando
 vero ad hominum gratiam aucupandam per hy-
 pocrisim exercentur, ab illa tanquam funestis-
 sima peste cauendum esse salutis nostræ auctor præ-
 cipit: nihil enim nobis humilitas; nihil ieiunium,
 nihil eleemosyna proficiunt, mercedem amitte-
 mus; atque si inanis gloriæ cupiditate ducti his
 om-

Arist. lib.
 9. de hist.
 Anim. c.
 6.

Math. 25.

omnibus vacauerimus, inanem quoque mercedem, sonum, & leuam auram accipiemus: si vero ad potentium gratiam captandam boni haberi cupiamus; iusto Dei iudicio eueniet, vt cum ea spe, quam mente conceperamus, frustrati fuerimus (quod sæpius contingit) personam, quam ad alios decipiendos obducti fueramus, deponentes, tales extrinsecus nos ostendemus, quales intrinsecus antea fueramus, maximo tum apud Deum, tum apud homines habiti ludibrio. Ecclesiæ igitur hoc opportuno tempore nos ad Dei misericordiam compellanti occurramus; omnem animi elationem, omnemque superbiam abijciamus, ieiunio abstinencia Dei iracundiam anteuertamus; thesauros nobis in cœlis comparemus, pauperum egestatem subleuantes; hypocrisis pestem, ne sua labe nostra opera perdat, quam longissimè arceamus; hæc enim si præstabimus, & misericordiam a Deo consequemur, & vberissimam ab ipso mercedem accipiemus.

D I X I.

